

wosć so předsydstwo z wubjerkom zepjera. Z čitanjom a podpisanjom protokolla, wot k. Skale wjedženeho, skónči so zhromadźizna.

5) Posedženje předsydstwa a wubjerka, 20. meje 1886. Přitomni: kk. Hórnik, Fiedleř, dr. Kalich, Mjeřwa, Mütterlein a Skala. Předsyda wozjewi, zo je k. wučer Knjez z Móšec wobraz njeboh J. E. Smolerja derje narysował a w Drježdžanach jako swětłócišć zhotowić dał a chce jón za wułożene 90 hr. Maćicy wotstupić na rozpredawanje. Přitomni přijachu tuto poskićenje čím bóle, dokelž bě k. Knjez wobraz domu M. S. darmo narysował. Na to wobzamkny so wudželenje stipendija J. I. Kraszewskeho za budyšskich gymnasiastow. Městopředsyda k. farař dr. Kalich žada někotre porjedženki do Časopisa, kotrež chce při składnosći redaktor wočišćeć. Skónčnje wobzamkny so poniženje plaćizny Časopisa za pilneho spisowarja a powyšenje rabatta za roznošowarja.

6) Posedženje předsydstwa a wubjerka, 29. septembra 1886. Přitomni: kk. Hórnik, Jenč, dr. Kalich, Mjeřwa, Mütterlein a Skala. Předsyda rozpraja, zo ma so lětsa z wotplaćowanjom bjezdanjoweho dołha nětko spočatk stać z 500 hr., štož so wobzamkny. Kolporteur za prusku Łužicu je w tu khwilu njemóžny, dokelž dyrbi so tam 48 hr. dawka za to plaćić. Z Popoje bě so před krótkim zhoniło, zo ma k. Jórdan 25lětny wučerški jubilej. Tohodla bě předsydstwo tutomu wjelepilnemu spisowarjej wšelakich trěbných knihow za šulu a za lud zbožopřejny list připsłało, štož wšitecy přitomni radzi nawědźichu. Jako nowe sobustawy přijimaju so po rjedže swojeho zamołwjenja k. wučer Böhmař z Hornjeho Wujezda jako rjadny, k. duchowny Sołowjew z Koburga, k. dr. jur. Strakatý z Prahi a k. duchowny Ekert z Prahi jako wukrajne stawy.

7) Posedženje předsydstwa a wubjerka, 14. febr. 1887. Přitomni: kk. Hórnik, Fiedleř, Imiš, dr. Kalich, Kapleř, Mjeřwa, Mütterlein a Skala. Předsyda zdžěluje, zo so nowa čitanka k. Bartka w Lipsku (džěl z wobrazami) a w Budyšinje pola Smolerja skónčnje čišći a zo dyrbi po slubjenju jutrowny tydžeń hotowa być. Potom čita k. referendar Mütterlein dosć spokojacu rozprawu wo maćičnym domje, kotraž so revisoromaj kk. Jenčej a Skali přepoda a hłownej zhromadźiznje předpožži. Městopředsyda k. farař